



IKLAN JAWATAN KOSONG BAGI JAWATAN KETUA PENOLONG PENGARAH GRED E12, UNIT PINDAAN AKTA DAN INTERIM PENGGABUNGAN

Suruhanjaya Persaingan Malaysia (MyCC)

Suruhanjaya Persaingan Malaysia (MyCC) adalah badan bebas yang ditubuhkan di bawah Akta Suruhanjaya Persaingan 2010 untuk menjalankan Akta Persaingan 2010. Akta Persaingan dan Akta Suruhanjaya Persaingan diterbitkan dalam Warta Kerajaan pada 10 Jun 2010 dan dikuatkuasakan mulai 1 Januari 2012. Akta-akta ini bertujuan untuk mendorong pembangunan ekonomi negara dengan menggalakkan dan melindungi proses persaingan dalam pasaran dan seterusnya melindungi kepentingan pengguna.

Fungsi Utama Suruhanjaya

Akta Suruhanjaya Persaingan 2010 memberi kuasa kepada Suruhanjaya Persaingan Malaysia (Suruhanjaya Persaingan) untuk menjalankan fungsi-fungsi seperti melaksana dan menguatkuasa peruntukan-peruntukan di bawah Akta Persaingan 2010, mengeluarkan garis panduan berhubung pelaksanaan dan penguatkuasaan undang-undang persaingan, bertindak sebagai penyokong untuk hal-hal berkaitan persaingan; menjalankan kajian am berhubung isu-isu yang berkaitan dengan persaingan dalam ekonomi Malaysia atau sektor-sektor ekonomi tertentu di Malaysia; memaklum dan mendidik orang awam berkenaan cara-cara yang mana persaingan boleh memberi faedah kepada pengguna dan juga ekonomi Malaysia.

Permohonan daripada warganegara Malaysia yang berkeelayakan adalah dipelawa untuk mengisi jawatan di Suruhanjaya Persaingan Malaysia (MyCC) secara **KONTRAK** seperti berikut:

SYARAT – SYARAT UMUM

1. Warganegara Malaysia; dan
2. Berumur tidak kurang dari 18 tahun pada tarikh tutup iklan jawatan;

SYARAT KELAYAKAN BAHASA MELAYU

1. Memiliki kepujian (sekurang-kurangnya Gred C) dalam subjek Bahasa Melayu pada peringkat Sijil Pelajaran Malaysia/ Sijil Vokasional Malaysia atau kelulusan yang diiktiraf dengannya oleh Kerajaan.

SYARAT-SYARAT KHUSUS

1. Adalah seperti di Lampiran A

BIL.	JAWATAN	GRED	BAHAGIAN	KLASIFIKASI PERKHIDMATAN	BIL. KEKOSONGAN	JADUAL GAJI	
						MINIMUM	MAKSIMUM
KUMPULAN PENGURUSAN DAN PROFESIONAL							
1	KETUA PENOLONG PENGARAH	E12	UNIT PINDAAN AKTA DAN INTERIM PENGGABUNGAN	EKONOMI	1	RM5,530.00	RM13,540.00

PROSEDUR PERMOHONAN

- Permohonan hendaklah dibuat di laman web rasmi Suruhanjaya Persaingan Malaysia (MyCC) www.mycc.gov.my
- Setiap borang permohonan hendaklah disertakan sekeping gambar berukuran passport, salinan sijil-sijil dan dokumen yang telah disahkan seperti berikut:
 - Kad Pengenalan;
 - Diploma/Ijazah beserta Transkrip Surat Akuan pengiktirafan Ijazah/Diploma/sijil daripada Agensi Kelayakan Malaysia (MQA) atau JPA;
 - Surat berhenti sekolah;
 - Sijil-sijil seperti PMR, SPM, STPM; dan
 - Sijil-sijil lain yang berkaitan.
- Borang permohonan yang tidak lengkap/ tidak memenuhi syarat tidak akan dipertimbangkan.
- Gaji yang ditawarkan adalah mengikut kelayakan akademik, pengalaman dan syarat-syarat lain yang ditetapkan oleh Kerajaan dan ianya adalah **muktamad**. Tiada sebarang rundingan boleh dibuat.
- Tarikh tutup permohonan adalah pada **15 JUN 2025**.

KUMPULAN PENGURUSAN DAN PROFESIONAL

UNIT PINDAAN AKTA DAN INTERIM PENGGABUNGAN

- 1) Calon bagi lantikan jawatan di atas mestilah memiliki kelayakan **Ijazah Sarjana Muda Ekonomi/Undang-undang dengan Kepujian yang diiktiraf oleh Kerajaan** atau kelayakan yang diiktiraf setaraf dengannya.
- 2) Syarat Tambahan
 - a. Calon hendaklah mempunyai **sekurang-kurangnya 10 tahun pengalaman bekerja dalam bidang ekonomi/undang-undang**. Kelebihan diberikan kepada calon yang mempunyai pengetahuan mengenai dasar dan undang-undang persaingan sama ada di Malaysia atau peringkat antarabangsa;
 - b. Mempunyai pengetahuan mengenai dasar-dasar Kerajaan termasuk pengalaman berurusan dengan jabatan dan agensi Kerajaan;
 - c. Mempunyai kebolehan menulis dan berkomunikasi dengan cemerlang dalam Bahasa Malaysia dan Bahasa Inggeris serta menguasai bahasa ketiga adalah merupakan satu kelebihan;
 - d. Mempunyai kemahiran analitikal dan penyelesaian masalah yang baik; dan
 - e. Berkemahiran dalam memimpin pasukan serta mampu dalam membina hubungan baik dengan pihak berkepentingan di pelbagai peringkat.

Selain daripada pengalaman dan pengetahuan dalam bidang undang-undang, calon perlu mempunyai ciri-ciri berikut:

- Menunjukkan komitmen yang tinggi untuk mencapai matlamat dan objektif organisasi;
- Kemahiran interpersonal yang baik dalam menjalankan proses perundingan, penyelesaian masalah serta perkongsian pengetahuan; dan
- Keupayaan untuk bekerja di bawah tekanan kerja, integriti yang tinggi dan mengekalkan prinsip kerja berpasukan.

3) Ringkasan tugas

- a. Memuktamadkan pindaan kepada garis panduan dan *Standard Operating Procedure* (SOP) berkaitan selaras dengan pindaan Akta Persaingan 2010 dan Akta Suruhanjaya Persaingan 2010 yang akan dimuktamadkan pada bulan Mac 2025;
- b. Menjadi *focal point* dan mengetuai proses intergrasi Rejim Kawalan Percantuman dengan perundangan percantuman di bawah bidang kuasa agensi atau pengawal selia sektor berkaitan;
- c. Menjalankan penilaian komprehensif terhadap transaksi percantuman yang difailkan kepada MyCC bagi tempoh masa 120 hari, sama ada akan menyebabkan kesan negatif kepada pengguna dan persaingan pasaran;
- d. Menjalankan siasatan terhadap transaksi percantuman yang dijangka akan menyebabkan kesan negatif kepada persaingan atau melanggar prosedur percantuman yang ditetapkan MyCC;
- e. Menjalankan perbincangan pra-notifikasi bersama pihak yang terlibat dan memberikan panduan penuh terhadap notifikasi percantuman yang bakal difailkan;
- f. Menguruskan dan menyelesaikan segala aduan/pertanyaan serta arahan Menteri yang dikemukakan terhadap kesemua transaksi percantuman di Malaysia;
- g. Melakukan risikan pasaran terhadap transaksi percantuman di Malaysia atau luar negara yang memberi kesan kepada pasaran Malaysia;
- h. Menilai dan membuat semakan pasaran secara berkala terhadap pelaksanaan komitmen oleh pihak yang terlibat dalam penggabungan;
- i. Membangunkan dan melakukan kemas kini status penilaian atau siasatan transaksi percantuman yang difailkan kepada MyCC;
- j. Bertanggungjawab dalam menguruskan laporan dan kemas kini secara berkala kepada Kementerian, Anggota Suruhanjaya serta Jawatankuasa Penilaian Transaksi Penggabungan; dan
- k. Melaksanakan sebarang tugas *ad-hoc* yang ditetapkan oleh Pengurusan atau Ketua Pegawai Eksekutif dari semasa ke semasa.

Nota: Deskripsi tugas ini bertujuan untuk menggariskan skop kerja yang perlu dilakukan oleh setiap individu untuk jawatan ini. Suruhanjaya Persaingan Malaysia berhak untuk mengubah deskripsi tugas ini untuk memenuhi keperluan organisasi.